



Халқ сўзи

Ўзбекистон –
келажаги
буюк
давлат

2021 йил – Ёшларни қўллаб-қувватлаш ва аҳоли саломатлигини мустаҳкамлаш йили

1991 йил 1 январдан чиқа бошлаган

WWW.XS.UZ

E-mail: Info@xs.uz

2021 йил 30 декабрь, № 280-281 (8060-8061)

Пайшанба

Сайтимизга ўтиш учун QR-кодни телефонингиз орқали сканер қилинг.



Ўзбекистон Республикасининг ҚОНУНИ

Ўзбекистон Республикасининг Солиқ кодексига ўзгартиш ва қўшимчалар киритиш тўғрисида

Қонунчилик палатаси томонидан 2021 йил 14 декабрда қабул қилинган
Сенат томонидан 2021 йил 15 декабрда маъқулланган

1-модда. Ўзбекистон Республикасининг 2019 йил 30 декабрда қабул қилинган ЎРҚ-599-сонли Қонуни билан янги тахрирда тасдиқланган **Ўзбекистон Республикасининг Солиқ кодексига** (Ўзбекистон Республикаси Олий Мажлиси палаталарининг Ахборотномаси, 2019 йил, 12-сонга 1-илова; 2020 йил, № 3, 198-модда, № 10, 593-модда, № 11, 652-модда, № 12, 690, 691-моддалар; 2021 йил, № 1, 6-модда, № 4, 294-модда, 4-сонга илова, № 8, 800-модда, № 9, 901-модда, № 10, 968, 969, 972, 973-моддалар) қуйидаги ўзгартиш ва қўшимчалар киритилсин:

1) **6-модда тўққизинчи қисмининг 1-бандидаги** «Давлат солиқ кўмитаси» деган сўзлар «Вазирлар Маҳкамаси» деган сўзлар билан алмаштирилсин;

2) **17-модданинг: биринчи қисми** қуйидаги мазмундаги **5¹-банд** билан тўлдирилсин:

«5¹) фойдала қазилмаларни қазиб олганлик учун махсус рента солиғи»;

учинчи қисми қуйидаги тахрирда баён этилсин:

«Чет давлатлар автотранспорт воситаларининг Ўзбекистон Республикаси ҳудудига кирганлиги ва унинг ҳудуди орқали транзити учун йиғимни ҳамда алкоголь маҳсулотларини реализация қилиш ҳуқуқи учун йиғимларни ҳисоблаб чиқариш ва тўлаш тартиби ушбу Кодекс билан тартибга солинади»;

3) **59-модданинг биринчи қисми 1-бандининг биринчи хатбошисидаги** «муассасалари» деган сўз «ташкilotлари» деган сўз билан алмаштирилсин;

4) **75-модда** қуйидаги мазмундаги **ўн биринчи қисм** билан тўлдирилсин:

«Солиқ имтиёзларини ҳисобга олиш солиқ органлари томонидан ахборот тизимларидан фойдаланган ва солиқ имтиёзларининг ҳар бир турига махсус идентификация кодини берган ҳолда амалга оширилади»;

(Давоми 2, 3, 4, 5-бетларда).

САНОАТЛАШГАН ЎЗБЕКИСТОН – УЧИНЧИ РЕНЕССАНСНИНГ МУСТАҲКАМ ЗАМИНИ

Янги МЕГА-ЛОЙИҲАЛАР ЖАДАЛ ИҚТИСОДИЙ
ТАРАҚҚИЁТ ЙЎЛИДА УЛКАН ҚАДАМДИР.



Нуктаи назар

Янги Ўзбекистонда вақт ҳам янгича оқимда кечаётгандек, гўё. Тугаб бораётган йилнинг ўзиеқ шунчалик муҳим воқеаларга бой бўлдики, уларнинг ҳар бири Ўзбекистон ҳақидаги тасаввурларни бутунлай ўзгартириб юборди — унинг салоҳияти нақадар улканлигини, ўз сеvimли Ватанини гуллаб-яшнаган диёрга айлантиришдек ягона мақсад атрофида бирлашган меҳнаткаш халқи эса қанчалик юксак марраларни эгаллашга қодир эканини бутун дунёга намойиш этди.

Бундай ўзгаришлар мамлакатимизни ўрганаётган халқаро экспертлар,

тахлилчию мутахассисларнинггина эмас, бу ерга турли ўлкалардан келиб, нафақат буюк тарихий мерос, балки айни замондаги бекиёс ислохотларни ўз кўзлари билан кўраётган минглаб саёҳатчиларнинг ҳам эътирофига, ҳайрат ва ҳавасига сазовор бўлмоқда. Энг муҳими, турмушимизни фаровон қилиш мақсадида амалга оширилаётган мазкур буюк янгиланишлар халқимизнинг дунёқарашини ҳам тубдан ўзгартирмоқда, ҳаётдан рози бўлиб яшашимизда муҳим омил бўлаётир. Қисқача айтганда, учинчи Ренессанс даврининг тамал тоши бўлиб хизмат қилмоқда.



8



Муносабат

БИР ДОЛЛАРЛИК ХОМ АШЁДАН ЎН ДОЛЛАРЛИК ТАЙЁР МАҲСУЛОТ ЯРАТИЛАДИ

Охириги йилларда юртимиз ҳар томонлама янгиланмоқда. Буни аҳоли ҳаёти тобора фаровонлашаётгани, шаҳар ва қишлоқларда бунёқдорлик ишлари юқори суръатларда давом эттирилаётгани, йирик лойиҳалар ишга туширилаётгани ва гигант корхоналар очилаётгани мисолида ҳам кўриб турибмиз.

Хусусан, яқинда очилиш маросими юқори савияда ўтказилган Ғузордаги “Uzbekistan GTL” заводи ана шулардан бири. Бундай корхоналар дунёнинг фақат 4 та давлатида борлиги ҳам унинг нечоғли ноёблигидан далолатдир.

Ўтган қисқа вақт мобайнида ушбу заводнинг имкониятлари, қанча кишилар иш билан таъминланиши ва унинг бошқа соҳалар ривожига, пировардида Ўзбекистон иқтисодий равнақига қандай таъсир кўрсатиши нафақат маҳаллий, балки чет эл оммавий ахборот воситалари орқали ҳам батафсил ёритилди. Шу боис биз бу корхона ҳақида эмас, балки унинг очилиш маросимида Президентимиз томонидан қурилишга старт берилган Шўртан газ-кимё мажмуасининг ишлаб чиқариш қувватини 3 баробарга оширишга йўналтириладиган лойиҳа хусусида тўхталмоқчимиз.

Дастлаб лойиҳа қийматига эътибор қаратсак. Унга сарфланадиган маблағ 1 миллиард 800 миллион доллар бўлиб, шунинг ўзиеқ унинг қанчалик салоҳиятга эга бўлишини аниглайди. Бу ерда 430 минг тонна нафтини қайта ишлаш ҳисобига йилига 280 минг тонна полиэтилен ва 100 минг тонна полипропилен тайёрланади, миннга яқин иш ўринлари яратилади.

Яна бир муҳим жиҳати шуки, у “Uzbekistan GTL” заводи ёнида қурилади. Натижада Шўртанда юртимиздаги биринчи йирик газ-кимё кластери пайдо бўлади. Ишлаб чиқариш шунга мос равишда ошиб боради. Агар ҳозир бу ерда маҳсулот ишлаб чиқариш ҳажми 290 миллион доллардан иборат бўлса, 2025 йилга бориб 1,8 миллиард долларга етиши кўтилмоқда. Бу эса келгусида ишлаб чиқариш ҳажми 6 баробарга ошади, деганидир.



6

ИСТЕЪДОДЛАР ЮРТИ

ЁШ ШАХМАТЧИМИЗНИНГ ЖАҲОН ЧЕМПИОНАТИДАГИ ҒАЛАБАСИ ДУНЁ ОАВНИНГ АСОСИЙ МАВЗУСИГА АЙЛАНДИ.

Польша пойтахтида рапид ва блиц шахмат бўйича ўтказилган жаҳон чемпионатида ҳамюртимиз Нодирбек Абдусатторовнинг шов-шувли иштирокини ҳеч муболағасиз, бутун мамлакат қузатиб борди. Шу жумладан, 17 ёшли гроссмейстеримизнинг иштирокини Президентимиз Санкт-Петербургда бўлиб ўтган МДҲнинг норасмий саммитида иштирок этиб Тошкентга қайтаётиб, самолёт бортида катта қизиқиш билан қузатиб турган. Президент матбуот котиби таъкидлаганидек, давлатимиз раҳбари жаҳон чемпионини самимий табриклаб, унинг ота-онаси ва мураббийларига миннатдорлик билдирган.

Бизнинг фахримиз

Маълум қилинишича, Ўзбекистон Республикасининг Президентининг Фармони билан Нодирбек Абдусатторов «Мард ўғлон» давлат мукофоти билан тақдирланган ҳамда Президентимиз кўрсатмаси билан унга Тошкент шаҳрида 2 хонали хонадон совға қилинади.

Машҳур рақиблиарни бирин-кетин мағлубиятга учратган Ўзбекистон вакилининг номи дунё мамлакатлари оммавий ахборот воситаларида асосий мавзуга айланди. Жумладан, Россиянинг «Интерфакс» нашри Ян Непомняшийнинг Ўзбекистон вакили Нодирбек Абдусатторовдан мағлубиятга учрагани ҳақидаги хабарида ўзбекистонлик ва россиялик гроссмейстерлар қўшимча кўрсаткичлар бўйича устунликка эга эканлигини таъкидлади. Чемпионлик улар ўртасидаги тай-брейкда аниқланди. Биринчи ўйин дуранг билан якунланди, иккинчисида эса Абдусатторов кучлироқ бўлиб чиқди. У энди турнир тарихида рапид бўйича жаҳон чемпионатининг энг ёш ғолиби ҳисобланади, деб ёзилади ОАВда.

Қозоғистоннинг «Курсив» нашрида рапид шахмат бўйича энг ёш жаҳон чемпионига айланган Ўзбекистон вакили турнирда Магнус Карлсенни мағлуб этган ягона шахматчи

бўлганига эътибор қаратилди. Халқаро шахмат федерациясининг ўсмирлар рейтингида Нодирбек Абдусатторов учинчи ўринни эгаллаб турибди. Нашр ўз хабарида жорий йил бошида Ўзбекистонда Шахматни 2025 йилгача ривожлантириш давлат дастури қабул қилинганига ҳам урғу берган. «Коммерсант» газетасида жаҳон чемпионати таҳлил қилинар экан, Нодирбек Абдусатторовнинг Варшавадаги ғалабаси бутун йил давомида шахмат бўйича асосий сенсация бўлса керак, деб ёзилади. Ўсмир истеъдодли, аммо шу пайтгача ўз фаолияти давомида катталар муСОБАқаларида жиддий ютуқларга эриша олмаган эди. Нодирбек жаҳон чемпионатининг учинчи, сўнгги кунда кўпчилиكنи ҳайратда қолдириб, барча машҳурлардан ўзиб кета олди.

Газета шарҳловчисининг эслашича, бундан икки йил аввал Нодирбек Абдусатторов 15 ёшлигида худди шундай жаҳон биринчилигида Магнус Карлсенни ҳафа қилган эди. Ўшанда норвегияликнинг ғалабаси нақд бўлиб турганда, Нодирбек ўйинни сақлаб қолганди.

Уларнинг навбатдаги учрашуви Варшавада ўтди. Сал улғайган Абдусатторов классик шахмат каби тезкор шахматни ҳам яхши ўйнайдиган дунёнинг энг кучли гроссмейстерига қаршлик кўрсатибгина қолмай, уни драматик яку-



ний ўйинида мағлуб этди, деб ёзади мухбир «Ўзбек ўсмирлари классикадан устун келди» сарлавҳали мақоласида.

«Мир» давлатлараро телерадиокомпанияси материалида Нодирбекнинг ғалабаси катта сенсация сифатида қайд этилди. Таъкидланишича, Абдусатторов ушбу муваффақияти билан дунё шахмат жамоатчилигини ўзи ҳақида гапиришга мажбур қилди.

ОАВда шахмат қироли Магнус Карлсен устидан қозонилган ғалаба Ўзбекистоннинг ёш вакили учун Варшава турнири финалидан кўра муҳимроқ бўлгани ҳақида ёзилмоқда: негаки, яқин-яқингача норвегиялик гроссмейстер кичкина Нодирбекнинг кумири бўлган.

Абдусатторов дунёнинг энг кучли мураббийларидан бири ҳисобланган Рустам Қосимжонов янги пононага кўтарган ўзбек шахмат мактабининг шонли аъёналарини давом эттирди. Шахматдаги бундай кучли салоҳият тасодиф эмас. ОАВда шахмат Хиндистонда эмас, балки Ўзбекистон ҳудудида пайдо бўлган деган версия келтирилмоқда. Манбага кўра, «шоҳмот» ўйинининг номи ўзбек тилидан олинган. Хиндистонда эса ҳукмдорлар XVI асрдан кейин «шоҳ» деб атала бошланган.

Р. АЛИШЕРОВ
(«Халқ сўзи»).

МАМЛАКАТ ТАРАҚҚИЁТИДА ЁШЛАРНИНГ ЎРНИ

Юртимизда билимли ва иқтидорли ёшларни қўллаб-қувватлаш, уларнинг маънавий камолотига давлат сиёсати даражасида эътибор қаратилмоқда. Шиддатли ислохотлар жараёнида ёшларга оид давлат сиёсатининг ҳуқуқий асосларини мустаҳкамлаш борасида уларни ҳар соҳада қўллаб-қувватловчи норматив-ҳуқуқий ҳужжатлар қабул қилинмоқда.

Фикр

Президентимизнинг 2020 йил 30 июндаги «Ўзбекистон Респуб-

ликасида ёшларга оид давлат сиёсатини тубдан ислоҳ қилиш ва

янги босқичга олиб чиқиш чора-тадбирлари тўғрисида» Фармони бунда алоҳида ўрин тутайди.

Фармонга мувофиқ, Ўзбекистонда ёшларга оид давлат сиёсатини янги босқичга кўтариш, муаммоларга натижадор ечимлар ишлаб чиқиш, ваколатли органлар фаолиятини самарали олиб бориш ва мувофиқлаштириш мақсадида Ўзбекистон Ёшлар ишлари агентлиги ҳамда ҳудудларда унинг

бошқармалари ва туман (шаҳар) бўлимлари ташкил этилди.

Бу ўз навбатида, ёшларнинг давлат ва жамият ҳаётида фаол иштирокини таъминлаш, юксак маънавиятли, мустақил ва эркин фикрлайдиган, замонавий илим-фан ютуқларини пухта ўзлаштираётган баркамол авлодни вояга етказишда муҳим аҳамият касб этади.



6

САРҲИСОБ ВА УСТУВОР РЕЖАЛАР ТАҲЛИЛИ

Ўзбекистон Республикаси Марказий сайлов комиссиясининг навбатдаги мажлиси бўлиб ўтди. Уни комиссия Раиси З. Низомхўжаев олиб борди.

Йиғилиш

Мажлисда Марказий сайлов комиссиясининг 2021 йил иккинчи ярим йилликда амалга оширилган ишлари юзасидан ахбороти ва 2022 йил биринчи ярим йиллигига мўлжалланган иш режаси, Ўзбекистон Республикаси Президенти сайловига тайёр-гарлик кўриш бўйича асосий тадбирлар дастури ҳамда Ўзбекистон Республикаси Президенти сайловини ўтказиш бўйича календарь режага мувофиқ ташкил этилди ва амалга оширилди.

Комиссия аъзолари дастлаб Марказий сайлов комиссиясининг 2021 йил иккинчи ярим йилликда амалга оширилган ишлари юзасидан ахборотини кўриб чиқди. Қайд этилганидек, Марка-



6

Сенат қўмитасида

ОЛИЙ ТАЪЛИМ ТИЗИМИДАГИ ЮТУҚЛАР ВА МУАММОЛАР

Кеча Ўзбекистон Республикаси Олий Мажлиси Сенати Фан, таълим ва соғлиқни сақлаш масалалари қўмитасининг мажлиси бўлиб ўтди. Унда олий ва ўрта махсус таълим вазирининг олий таълим соҳасидаги ислохотлар самарадорлиги ҳамда мавжуд муаммолар ва уларни бартараф этишга оид масалалар юзасидан ахбороти эшитилди.

Қайд қилинганидек, бошқа соҳаларда бўлгани сингари бу йўналишда ҳам кенг кўламли ислохотлар изчил давом эттирилмоқда. Натижада умумтаълим мактаблари битирувчиларини олий таълим билан қамраб олиш даражаси 9 фойздан 28 фойзга кўтарилди, олий таълим муассасаларига қабул параметри эса 3 баробар оширилди.

Ўз навбатида, олий таълим



6

Қонун лойиҳаси — муҳокамада

ОГОҲЛИК БОРАСИДАГИ МАСЪУЛИЯТ

Кеча парламент қўйи палатасининг Коррупцияга қарши курашиш ва суд-ҳуқуқ масалалари қўмитаси томонидан “Ўзбекистон Республикасининг Маъмурий жавобгарлик тўғрисидаги кодексига қўшимчалар киритиш ҳақида”ги қонун лойиҳаси муҳокамасига бағишланган ишчи гуруҳи йиғилиши ўтказилди.

Унда Қонунчилик палатаси депутатлари, Вазирлар Маҳкамаси, Коррупцияга қарши курашиш агентлиги

ҳамда Адлия вазирлигининг масъул ходимлари иштирок этди.



6

МЕҲНАТ СОҲАСИДАГИ МУҲИМ АҲАМИЯТГА МОЛИК МАСАЛАЛАР МУҲОКАМАСИ

Ўзбекистон касаба уюшмалари Федерацияси томонидан долзарб ижтимоий-иқтисодий масалаларни муҳокама қилиш учун Ҳукумат, вазирликлар, идоралар, иш берувчилар вакиллари, касаба уюшмалари фаоллари билан бевосита очиқ мулоқот ва жамоатчилик эшитуви шаклида “Меҳнат соҳасидаги муҳим аҳамиятга молик масалалар” мавзuida онлайн давра суҳбати ўтказилди.

Давра суҳбати

Тадбирда Ўзбекистон Республикаси Олий Мажлиси Қонунчилик палатаси депутатлари ва Сенати аъзолари, Вазирлар Маҳкамаси, вазирликлар ҳамда идоралар вакиллари касаба уюшмалари фаоллари билан мулоқотга тақлиф этилди.

Бугунги кунда Ўзбекистон касаба уюшмалари давлат ва иш берувчилар билан ўз муносабатларини анъанавий тарзда ижтимоий шериклик асосида амалга ошириб келмоқда. Буни Ўзбекистон Республикаси Вазирлар Маҳкамаси, Касаба уюшмалари Федерацияси ва Иш берувчилар конфедерацияси ўртасида ижтимоий-иқтисодий масалалар бўйича 2020 — 2022 йиллар учун имзоланган Бош келишувнинг нуфузи мисолида ҳам кўриш мумкин.

Шундан келиб чиққан ҳолда мамлакат миқёсида амал қилаётган тармоқ ва ҳудудий келишувлар, корхона, ташилот ва муассасаларда тузилган жамоа шартномалари ижросини таъминлаш, уларнинг мазмун-моҳиятини давр талаби асосида зарур тадбирлар билан бойитиш, ижтимоий таркибини кенгайтириш, бу орқали турли тармоқларда меҳнат қилаётган ходимларга қулай иш ҳамда дам олиш шароитларини яратиш масалаларига алоҳида эътибор қаратилмоқда.

Жамоа-шартномавий ҳужжатлар воситасида ходимларнинг касби, малакаси ва меҳнат шартномасига биноан тўла бандлигини таъминлаш, кексалар, аёллар ва ёшлар учун имтиёзлар тизимини жорий этиш, коронавирус пандемияси даврида ижтимоий-моддий қўллаб-қувватлаш, янги иш ўринларини барпо этиш, кадрларни тайёрлаш, қайта тайёрлаш ва малакасини ошириш, меҳнат шартномаларини тузиш ва бекор қилиш чоғида қонун меъёрларига риоя қилиш масалалари ҳал этилмоқда.

Шунингдек, меҳнат хавфсизлиги даражасини юксалтириш, иш жойларининг санитария-гигиена ҳолатини яхшилаш, ходимларни маъиший хоналар билан таъминлаш, иш ўринларини шаходатлаш, меҳнат муҳофазаси қондаларига ўқитиш, зарарли меҳнат шароитлари учун имтиёз ва компенсациялар ўрнатиш ишлари амалга оширилмоқда. Натичада айни кунда амал қилаётган 14 та ҳудудий келишув, 105 та тармоқ, 14 та ҳудудий тармоқ, 340 та туман миқёсидаги тармоқ келишuvi, 109 мингдан ортиқ жамоа шартномалари меҳнат муносабатларини самарали тартибга солиш, ишлаб чиқаришни ривожлантириш, ходимлар учун қўллаб-имтиёз ва кафолатлар яратиб беришга хизмат қилмоқда ҳамда меҳнат жамоаларидаги барқарорликни сақлаб қолишга ўз ҳиссасини қўяпти.

Муҳаббат ЎРМОНБЕКОВА,
Ўзбекистон касаба уюшмалари Федерацияси
Матбуот хизмати раҳбари.

БУХОРОНИНГ УЧ ТУМАНИДА ХОТИН-ҚИЗЛАР ТАДБИРКОРЛИК МАРКАЗИ ИШ БОШЛАДИ

Бухоро вилоятининг Когон туманидаги “Хожа Яқшаба”, Шофиркон туманидаги “Қалмакон” ҳамда Қорақўл туманидаги “Ҳўжалар” маҳалла фуқаролар йиғинларида Хотин-қизлар тадбиркорлик маркази очилди.

Интилиш

Бу масканлар Маҳалла ва оилани қўллаб-қувватлаш вазирлиги ҳамда Корея халқаро ҳамкорлик агентлиги (KOICA)нинг Ўзбекистондаги ваколатхонаси шерикчилигида “COVID-19 пандемиясидан зарар кўрган аҳолини ижтимоий қўллаб-қувватлаш” лойиҳаси доирасида ўз фаолиятини бошлади.

Ушбу марказларда ижтимоий ҳимояга муҳтож, “темир дафтар”, “аёллар дафтари”га киритилган опа-сингилларимизга тикувчилик, қандолатчилик, сартарошлик, уй ҳамширалиги ҳамда IT-компьютер саводхонлиги йўналишларида касб-хунар ўргатиш, уларнинг тадбиркорлик ва бухгалтерия ҳисоб-китоби бўйича салоҳиятини ошириш кўзда тутилган.

Муҳими, касбга ўқитиш йўналишлари ҳар бир туман ва маҳалланинг ўзига ҳослигидан келиб чиққан ҳолда танланган. Ҳамкорлик лойиҳасига тўхталадиган бўлсак, у янги босқичга кўтарилди. Корея ҳукумати томонидан KOICA-нинг коронавирус пандемиясига қарши курашиш дастури

Бундан ташқари, охирги йилларда Халқаро меҳнат ташкилотининг 4 та конвенцияси ва 1 та баёни амалиётга имплементация қилингани, янги таҳрирдаги “Касаба уюшмалари тўғрисида”ги Қонун ҳаётга жорий этилгани давлат ва жамиятни ривожлантиришдаги долзарб вазифалар ечимини топишда касаба уюшмаларининг ролини кучайтирди.

Жорий — Ёшларни қўллаб-қувватлаш ва аҳоли саломатлигини мустаҳкамлаш йилида ҳам ижтимоий соҳадаги қатор масалалар ўз ечимини топди. Хусусан, коронавирус пандемияси давом этиб турган даврда касаба уюшмалари 5 миллион нафардан зиёд турли касб эгаларининг меҳнат муҳофазасини таъминлаш ва меҳнатга оид ҳуқуқларини ҳимоя қилиш билан бирга 100 минглаб кам таъминланган оилалар муаммоларини аниқлаб, уларга амалий ёрдамлар кўрсатди.

Рақамларга мурожаат этсак, 2021 йил давомида касаба уюшмалари органларига жисмоний ва юридик шахслардан келиб тушган 4,5 мингдан ортиқ мурожаатларнинг кўриб чиқилиши натижасида 3 мингга яқин шахсларнинг ҳуқуқлари тикланиб, етказилган зарар учун ходимлар фойдасига 2 миллиард сўмдан зиёд маблағ ундириб берилишига эришилди.

Яна бир муҳим жиҳат, жорий йилда Халқаро меҳнат ташкилотининг Меҳнат хавфсизлиги ва гигиенасига кўмаклашиш асослари тўғрисидаги 187-конвенцияси раффикация қилинди.

Бу ҳали ҳаммаси эмас. Ўзбекистонда аҳоли ижтимоий ҳимоясини кучайтириш соҳасида салмоқли ислохотлар олиб борилаётир. Амалга оширилаётган ислохотлар самараси ўлароқ юртимизда ижтимоий муаммоларни ҳал этишнинг ўзига хос янги тизими яратилди. Яъни “темир дафтар”, “аёллар дафтари”, “ёшлар дафтари”, “меҳр дафтари”, маҳаллабай ишлаш усуллари амалиётга жорий этилиб, ижтимоий ҳимояталаб оилалар турмуш даражасини ошириш максадида салмоқли амалий ёрдамлар кўрсатилди.

Жамоатчилик эшитуви шаклида ўтказилган давра суҳбатда меҳнат соҳасида келгуси йилда амалга оширилиши кўзда тутилган қатор ижобий ўзгаришлар тўғрисида ҳам ақборот берилди.

Келгусида кун тартибидagi масалаларни давлат органлари ва касаба уюшмаларининг ҳамкорлигида ҳал этиш борасида ташкилий чора-тадбирлар қўрилиш мақсада мувофиқ эканлиги хусусида келишиб олинди.

Муҳаббат ЎРМОНБЕКОВА,
Ўзбекистон касаба уюшмалари Федерацияси
Матбуот хизмати раҳбари.

Биз ва жаҳон

Сўнгги беш йил давомида фаол олиб борилаётган мутлақо янги форматдаги ташқи сиёсат туфайли Ўзбекистон ва Ҳиндистон ўртасидаги ҳамкорлик сезиларли даражада мустаҳкамланди. Икки давлат етакчиларининг мунтазам мулоқоти натижасида эришилган ўзаро муносабатлар динамикаси мамлакатимиз ташқи ишлар вазири бошчилигидаги делегациянинг ташрифи муносабати билан шу кунларда Нью-

Дехли шаҳрида муҳокама қилинди. Ҳиндистон Ташқи ишлар вазирлиги раҳбари билан бўлиб ўтган “Ҳиндистон — Марказий Осиё” форматидagi учрашувда икки томонлама муносабатларни янада мустаҳкамлашнинг долзарб масалалари, шунингдек, Ҳиндистон ва Марказий Осиё мамлакатлари ўртасида сиёсат, иқтисодийёт, рақамлаштириш ҳамда маданий-гуманитар йўналишлардаги алоқалар кўриб чиқилди.

Янги дунё тартиби ва Ҳиндистон

Ҳиндистон келажак учун қандай режалар ҳамда ривожланиш йўналишларини белгилаб олгани ҳақида ҳамкорликда тайёрланган материалимиз орқали яқиндан танишасиз.

COVID-19 вируси тарқалиши жараёни сустлашиб борар экан, пандемиядан кейинги асоратлар пайдо бўла бошлайди. Улар ривожлаётган дунё тартибининг асосини ташкил этувчи ўсиб бораётган тушунчалар ва келишувлар тўплами асосида ётади.

Умуман олганда, ҳар қандай пасайиш ортидан ўсиш ҳам юзага келади. Ҳиндистон иқтисодийёти ишлаб чиқариш ва иқтисодий фаоллигининг ошиши билан қайта тиклана бошлади. Мисли кўрилмаган ҳажм ҳамда мураккабликдаги эмлаш дастури рекорд вақт ичида соғлиқ хавфсизлигини яхшилаб, заифликларни қамайтирди. Бу



босқичда нормал ҳолатга қайтиш ҳамда бир қатор бошқа мақсадлар қўзланган эди.

Демак, бу — имкониятлар лаҳзасидир. Ҳиндистоннинг бугунги танловлари у порлоқ келажакни қандай тасаввур қилишидан далолат беради.

Пандемия бизга кам эмас, балки янада кўпроқ ўзаро боғланган дунё кераклигини кўрсатди. Умумий муаммолар умумий ечимларга эга бўлиши керак. Бош вазир Нарендра Модиге сўнгги бир неча ой ичида “G7”, “G20”, “COP 26”да, биринчи “Quad” саммитида, Бирлашган Миллатлар Ташкилоти Бош Ассамблеясида ва БМТ Хавфсизлик Кенгашининг раиси сифатида иштироки давомида, БРИКС ҳамда Шанхай ҳамкорлик ташкилоти таркибидagi Ҳукумат раҳбарларининг кенгаши учрашувда пандемиядан

қазиб олинadиган ёқилгига асосланган энергия қувватини 500 ГВтга ошириш ҳамда энергияга бўлган эҳтиёжимизнинг 50 фоизини 2030 йилгача қайта тикланадиган манбалардан қондириш борасидаги жараёни тезлаштиради.

Шунингдек, 2030 йилгача прогноз қилинган углерод чиқиндиларини бир миллиард тоннага қамайтириш ва углерод интенсивлигини 45 фоиздан пастга тушириш ҳамда 2070 йилга бориб “бунтунлай нолга” тенглаштиришни мақсад қилади. Ривожланаётган дунёнинг хавотирларини ифода этган Бош вазир, шунингдек, ривожланган мамлакатларни иқлимни молиялаштириш ва арзон нархлардаги технологиялар бўйича ўз амбицияларини кучайтиришга қақирди.

Икки халқаро ташкилот, Ҳиндистон ташаббуси билан ташкил этил-

ган “Халқаро Куёш альянси” ва “Табиий офатларга чидамли инфратузилма коалицияси” глобал миқёсда иқлим ўзгаришини юмшатиш ва мослаштирадиган бир қатор стратегия ва мақсадларни белгилаб берди.

Ҳиндистон бошқарувни ўз қўлига олиш ва йўналишни таъминлаш учун ҳаракат қилган асосий глобал муаммо, бу — иқлим ўзгариши. Ривожланиш эҳтиёжларига қарамай, биз иқлим ҳаракати бўйича қатъий содиқлигимизни кўрсатдик.

Яқинда Глазгодаги “COP 26” саммитида сўзга чиққан Бош вазир “Панчамрита” орқали Ҳиндистоннинг иқлим билан боғлиқ бўлган мақсад ва ҳаракатларини айтиб ўтди, бу эса Ҳиндистоннинг



Ҳиндистон, шунингдек, водород бўйича миллий миссияси доирасида тоза — “яшил” водород ишлаб чиқариш ва экспорт қилиш учун глобал марказга айланишга интилоқда.

Бош вазирнинг иқлим ўзгариши билан курашиш учун барқарор турмуш тарзини тарғиб қилиш ҳақидаги мурожаати Римдаги “G20” саммитида муҳокама қилинди. Унда “Бир сўзли ҳаракат”ни, яъни ҳаёт ёки атроф-муҳит учун янги турмуш тарзини тақлиф қилди. Ҳиндистоннинг ўзига хос барқарор турмуш тарзи намунасини глобал асосда қабул қилиш иқлим ўзгаришига қарши курашимизда муҳим роль ўйнайди.

Пандемия таъминот занжирларидаги хавф-хатарни йўқотиш ва уларни янада чидамли қилиш зарурлигини кўрсатди. Бош вазир таъминот занжирларимизни яхшилаш учун учта асосий омилни таъкидлади: ишончли манба, шаффофлик ва аниқ вақт оралиғи.

“Атманирбхар Бхарат Абхиян” чидамлилиқ ва ишончлиликни биринчи ўринга қўяди ҳамда Ҳиндистонни ишончли таъминот занжири марказига айлантирмоқчи. Бу — фискал ва пул-кредит билан қўллаб-қувватлаш, ликвидлиқни назорат қилиш, саноатни молиявий қўллаб-қувватлаш, бизнес юритишда қулайлик яратиш ҳамда улкан таркибий ислохотлар орқали салоҳиятни оширишга қаратилган кенгроқ сиёсат доирасининг бир қисмидир.

Ишлаб чиқариш билан боғлиқ рағбатлантиришнинг муҳим чизмаси инвестицияларни жалб қилиш,

маҳаллий ишлаб чиқаришни ривожлантириш ва глобал миқёсда рақобатбардош Ҳиндистон корхоналарини яратишдир. Илгариги қоиот, мудофаа ҳамда атом энергетикаси каби чекланган секторлар кўпроқ хусусий иштирок этиш учун очилди.

Миллий таълим сиёсати XXI аср ишчи кучини ўқитиш ва Ҳиндистонни глобал таълим ҳамда малака марказига айлантириш учун асос яратди.

Ҳиндистон ҳам инфратузилмасини яхшилаш учун катта давлат сармояларини киритмоқда. Бош вазирнинг “Гати Шакти” — Кўп модали уланишнинг миллий бош режаси — узлуксиз боғланган Ҳиндистонни яратишга мўлжалланган. У уланишга ноаниқ ёндашувни жорий қилади ва ихро этувчи ҳамда сиёсат юритувчи субъектларни умумий платформага олиб келади.

Жисмоний инфратузилмани яхшилаш рақамли уланиш, молиявий инклюзия ва иммунизация каби ташаббуслар орқали Барқарор ривожланиш мақсадлари (БРМ)га эътибор қаратиш билан бирга бўлади. “Жан Дан”, дунёдаги энг йирик молиявий инклюзивлик дастури; “Аадҳар”, дунёдаги энг йирик биомертрик дастур; ва дунёдаги энг йирик мобил телефон тармоқларининг биридан ташкил топган “ЖАМ” учлиги трансформацион миқёсда тўғридан-тўғри имтиёзларни ўтказиш имкониятини яратди.

Энди у финтек инқилобини кузатишмоқда. “Жал Жеван” ҳамда

“Аюшман Бхарат” мос равишда барча ҳиндларнинг тоза сув таъминоти ва соғлиқни сақлаш хизматларидан фойдаланиш имкониятини таъминлаш орқали ҳаётни ўзгартирмоқда.

“БРМ 3” барчамизни соғлом ҳаётни таъминлаш ва барча ёшдагилар учун фаровонлиқни рағбатлантириш мақсадини кўйди. “G20” саммитида Бош вазир бутун дунё учун “Бир сайёра — бир саломатлик” борасида ўз қарашларини илгари сурди.

Пандемия халқаро тизимларни рақамли маконга ўтказди. “Co-Win” портал орқали дунёдаги энг шиддатли эмлаш операцияларидан бирини фойдаланувчиларга қулай, шаффоф, адолатли ва самарали тарзда бошқарилганлиги; “Рақамли Ҳиндистон” ташаббуси; рақамли тўлов ечимлари; “24*7 BPO” ва “iTES” саноати билан Ҳиндистон рақамли ривожланишга мослашди ва бунда давом этмоқда.

“G20” саммитида сўзлаган Бош вазир Ҳиндистон қўллаб-ривожланиш муаммолари учун улкан ечимларни маъқуллаганига эътибор қаратди. Бу ривожланишнинг исботланган асосидир. Шунингдек, у “Жануб — Жануб тараққиётги ҳамкорлиги” бўйича катта тажрибага эга ва бошқа ривожланаётган мамлакатларга қўллаб-қувватлаш тақлиф қилиши мумкин. Аввалроқ, “G7” саммитида Бош вазир Ҳиндистоннинг очиқ манбабли рақамли ечимларидан фойдаланиши мумкинлигини эълон қилган эди.

Пандемиянинг энг даҳшатли кунларида ҳам Ҳиндистон халқаро ҳамжамиятнинг бир қисми эканлигини унутмади. У 150 дан ортиқ мамлакатларга зарур дори-дармонларни етказиб бериш учун ўз ички режаларидан четга чиқди. Эвазига эса, “иккинчи тўлқин” даврида барча уни қўллаб-қувватлади. Мамлакатда муваффақиятли эмлаш дастурини олиб борар экан, Ҳиндистон ҳам қўшнилари ва ҳамкорларига вакциналарни экспорт қилишни қайтадан бошлади.

Қисқача айтганда, ушбу орқали Ҳиндистон эртанги куннинг қийинчиликларига дош бера оладиган янги дунё тартибини яратишда асосий ва конструктив иштирокчи сифатида ҳаракат қилмоқда. Бу эса соф иқтисодий нуқтаи назар билангина чекланиб қолмайдиган ва инсон ҳамда унинг фаровонлигини яқуний мақсад қилиб қўядиган дунё тартибидир.

Ҳарш Вардхан ШРИНГЛА,
Ҳиндистон ташқи ишлар вазирининг биринчи ўринбосари.

(Билдирилган фикрлар шахсийдир).

ЭЪЛОН

Корхона ва ташкилотлар раҳбарлари диққатига!

2022 йил давомида Туямўйин гидроузелидан фойдаланиш бошқармасининг лойиҳа, кузатув ва жорий таъмирлаш-тиклаш тадбирларида иштирок этиш истаги бор бўлган корхона, ташкилотлар мутасаддилари махсус рухсатнома расмийлаштиришлари учун биометрик паспортга эга ишчи-хизматчилар, машина-механизмлар, материаллар ва керакли ас-

боб-ускуналарнинг минимал рўйхатини 2022 йилнинг 10 январига (электрон вариант билан бирга) тақдим этишлари мумкин.

2022 йил давомида Туямўйин гид-

роузелидан фойдаланиш бошқармасининг лойиҳа, кузатув ва жорий таъмирлаш-тиклаш тадбирларини «dxarid.uzex.uz» сайтида кузатиб боришлари мумкин.

Мурожаат учун манзил: Хоразм вилояти, Тупроққалъа тумани, Питнак шаҳри.

Телефонлар: (0-362) 305-49-06, (0-362) 305-47-79. Факс: (0-362) 305-49-06.

